

quil ne luy failloit ne cuer negens Laquelle
chose se feist avec moult grant hardiesse / car eulx
sortis de La ville sa dresserent tout droit audit loys
La ou ilz bouterent le feu de sorte que les deffenseurs
dicelluy sen sortirent / et tournerent en fuite . Et
comme Il pleust a nostre seigneur que La verite
se manifestast fut prins en ceste saillie vng des
faulx tesmoins qui auoient accuse Laureolle
et mene en La puissance de Lerriano le quel com
manda que toutes manieres de tourmens fussent
executes en luy Jusques a ce quil confessast po quoy
Il auoit testifie contre Laureolle / lequel sans au
cune torture confessa tout Lefait comme Il
auoit este . Et de puis que Lerriano fut Informé
de la verite le manda au Roy Luy suppliant quil
deliurast Laureolle de coulpe commandast
quelle fust Justifiee / et punir ensemble les autres
qui de ce grant mal auoient este cause . Lequel
le Roy sceue la certenete accepta volontairement
avec grant allegresse pour La Juste raison q ainsi
Le voulut . Et pour abregger des trois faux tesmoi
ngs se feist telle pugnition que meritoit leur ma
lignite Le siege fut leue le Roy tint quiete et deli
ura La fille de toutes charges / et Lerriano de coulpe
Et Incontinent quil fut arrive a sire manda Lau
reolle Et ordonna tous les gens de sa court pour
laller querre Laquelle vint avec tel honneur quel
le meritoit fut receue en grant honneur du Roy
et de La Roynie / et larmes de Joye a sa venue
furent espardues / et en liesse conuertie de douleur
et enuy Le Roy enuers elle se excusoit La Roynie
La haïsoit / tout le monde La seruoit